

## Topsfield

I.

Dels quatre mestiers valens  
per que cavallier an pretz  
es bel solatz avinens  
us dels melhors,  
e sel que mielhs acuelh Amors;  
per qu?ieu m?esfors estiers et ab chantars  
com pels cortes fos grazitz mos afars;  
c?om malazautz, si tot s?es pros,  
non es gair? ad obs d?amar bos.

II.

Per donas desconoisens,  
que per un?autra·n son detz,  
s?es d?alques camjatz mos sens,  
car las pluzors  
no sabon entendre lauzors;  
per q?ieu no vuelh mos bels ditz plazens cars  
pauzar davan a lurs nessis cujars,  
pus plazers non es cabalos;  
ans me vir vas otras razos.

III.

Dirai vos de mos talens  
don ai estat mutz e quetz;  
mentre fui lur be volens  
m?o tolci paors.  
Gardatz, s?es ben domneis errors,  
c?us mal apres, non conogutz, avars,  
otracujatz parliers de fols parlars  
es aculhitz enans que nos,  
e vol n?aver cascuna dos!

IV.

No vuelh esser conoissens  
dels enjans que tug sabetz,  
don dizon donas que mens  
n?es ma valors  
e dels autres conoisedors;  
pero nulhs homs que ls conogues tan claras  
no ls agra mais tan gen cubertz ni pars,  
car tostamps es hom nelechos

vas selh que conois adziros.

V.

Si m?an menat malamens  
donas, e faitz lurs devetz,  
remazutz m?es essiens,  
chans et amors,  
voluntatz, arditz e temors,  
humilitatz e sofrirs e selars,  
parlar per obs, e cant m?es obs calars;  
aitals soi, francx et amoros,  
quar volc ma dona q?aitals fos.

VI.

Ab aitals captenemens,  
com auziretz si·us voletz,  
la say don sos cors es gens  
e sa valors  
fin? et ab pauc de preyadors,  
jove, lial, cara ses totz trichars,  
gai? e plazens, c?a penas nulhs lauzars  
pot sos ricx pretz ni sas faisos  
nomnar ni cointar en chansos.

VII.

Per aquesta soi a las otras pus cars;  
si per merce-l vol plazer mos preiars,  
mon cor li ren e·ls huils amdos,  
e Miraval e mas chansos.

VIII.

Lials, si·m falh amors e domnejars,  
ieu ai chauzit de senhors part mos pars  
Mon Audiart, que m?es tam bos  
q?ie·n soi fis als autres baros.

- letto 517 volte